

Klub zastupnika „Za Bosnu i Hercegovinu“

U Sarajevu, 24.01.2022.godine

KANTON SARAJEVO
SKUPŠTINA KANTONA SARAJEVO
N/R Predsjedavajućeg, Elvedin Okerić

VLADA KANTONA SARAJEVO
N/R Premijera, Edin Forto

Predmet: Amandmani Kluba zastupnika „Za Bosnu i Hercegovinu“ na Prijedlog budžeta Kantona Sarajevo za 2022.godinu.

Amandman 1

Dodaje se nova pozicija pod nazivom

Projektovanje i saniranje klizišta na području KS u iznosu od 5 miliona KM, u okviru razdjela Ministarstva komunalne privrede, infrastrukture, prostornog uređenja, građenja i zaštite okoliša, ekonomski kod 821200.

Umanjuje se pozicija

Podrška projektima Skenderija Sarajevo d.o.o. ekonomski kod 615400, NOV, 047F u okviru razdjela Ministarstvo privrede umanjuje se u iznosu od 5 miliona.

Obrazloženje

Već nekoliko godina traje zastoj u sanaciji klizišta u Kantonu Sarajevo. Obzirom da imamo registrovanih više stotina klizišta od kojih neka prijete da ugroze živote i imovinu stanovništva, problem se mora urgentno početi rješavati.

Amandman 2

Pozicija u budžetu pod nazivom

Izgradnja novog objekta za potrebe Ministarstva unutrašnjih poslova i nabavka opreme

Dodaje se u nazivu „sa sistemom video nadzora u Kantonu Sarajevo“ i uvećava se sa planiranih 100.100,00 KM na 10.100.100,00 navedena pozicija je u okviru razdjela Ministarstva unutrašnjih poslova ekonomski kod 821600,HAX028 i, 038F.

Umanjuje se pozicija

Nabavka helikoptera, ekonomski kod 821300,NOV,038F, razdio Ministarstvo unutrašnjih poslova, za 10 miliona.

Obrazloženje

Svjedočimo dugogodišnjoj narušenoj sigurnosnoj situaciji u Kantonu Sarajevo i nedopustivo je da Sarajevo nema centar za upravljanje video nadzorom. Posebno je porazno da je takav uspostavljen u svim općinama manjeg bh entiteta i na svim izlazima iz Sarajeva, a da unutar Kantona Sarajevo gdje je i glavni grad države nema funkcionalnog sistema video nadzora niti u saobraćaju niti na drugim frekventnim lokacijama.

Amandman 3

Dodaje se nova pozicija pod nazivom

Izgradnja novog objekta za potrebe Policijske stanice Dobrinja u iznosu od 1.500.000,00 KM u okviru razdjela Ministarstvo unutrašnjih poslova ekonomski kod 8216.

Umanjuje se pozicija

Nabavka helikoptera, ekonomski kod 821300,NOL,038F, razdio Ministarstvo unutrašnjih poslova, za 1.500.000,00 KM.

Obrazloženje

Prije nekoliko godina u okviru Četvrte policijske uprave formirana je Policijska stanica Dobrinja. Ova stanica djeluje u neadekvatnim prostorima, u prizemlju stambene zgrade. Kako se radi o stanici u čiji nadležnosti i prostor međuentitetske linije sa velikim prometom od velikog značaja bi bilo da ova Policijska stanica ima adekvatne uslove za rad.

Za izgradnju ove Policijske stanice postoji projektna dokumentacija.

Amandman 4

Dodaje se nova pozicija pod nazivom

Izgradnja Sportsko rekreativnog centra Dobrinja sa bazenom u iznosu od 2 miliona KM u okviru razdjela Ministarstva kulture i sporta, ekonomski kod 821600.

Umanjuje se pozicija

Podrška projektima Skenderija Sarajevo d.o.o. ekonomski kod 615400, NOV, 047F u okviru razdjela Ministarstvo privrede ,za 2 miliona.

Obrazloženje

Sportsko rekreacioni centar Dobrinja sa bazenom je zajednička investicija Općine i Zavoda za izgradnju Kantona Sarajevo. Postoje realne pretpostavke da ukoliko se obezbijede sredstva, bazen pusti u funkciju, do početka ljeta 2022.godine. Općina je u budžetu za 2022.godinu obezbijedila 1.800.000,00 KM. Radovi na terenu su u toku, sa ova predložena 2.000.000,00 KM ne bi se prekidali do završetka.

Amandman 5

Dodaje se nova pozicija pod nazivom

Projektovanje i izgradnja gondole/žičare Hrasnica-Igman-Bjelašnica u iznosu od 20 miliona u okviru razdjela ministarstva saobraćaja, ekonomski kod 821300.

Umanjuje se pozicija

Pokriće gubitka za javni prevoz, ekonomski kod 614400, EAO010, 107F, u okviru razdjela Ministarstva saobraćaja, za 20 miliona.

Obrazloženje

Bjelašnica i Igman kao olimpijske planine prilično zaostaju u razvoju u odnosu na druge SKI centre, a najviše zbog nedostatka vertikalnog transporta.

Saobraćaj prema navedenim planinama je prilično zagašen, te bi izgradnja gondole iz Hrasnice imala višestruki značaj za razvoj.

Amandman 6

Dodaje se nova pozicija pod nazivom

Projektovanje i izgradnja saobraćajnice od Jarčedola do Trebevića u iznosu od 3 miliona u okviru razdjela Ministarstva saobraćaja, ekonomski kod 821600.

Umanjuje se pozicija

Pokriće gubitka za javni prevoz, ekonomski kod 614400, EAO010, 107F, u okviru razdjela Ministarstva saobraćaja, za 3 miliona.

Obrazloženje

Trenutna saobraćajnica je u katastrofalnom stanju za sve građane Kantona Sarajevo koji žele posjetiti ovo izletišta. Idejni projekat za izgradnju i rekonstrukciju putne komunikacije već postoji i potrebno je dvije dionice rekonstruisati u dužini 610 metara i 450 metara, te izgraditi dvije dionice od 900 metara i 1400 metara.

Amandman 7

Dodaje se nova pozicija pod nazivom

Izrada studije i elaborata za izmještanje deponije za odlaganje otpada iz gradskog područja u okviru razdjela Ministarstva komunalne privrede, infrastrukture, prostornog uređenja, gradnje i zaštite okoliša u iznosu 500.000,00 KM

Umanjuje se pozicija

Subvencija za javni prevoz 614400, EAO010, 107F, u okviru razdjela Ministarstvo saobraćaja, za 500.000,00 KM

Obrazloženje

O deponiji za odlaganje smeća u Smiljevićima, rečeno je da dosad jako puno. Sve dosadašnje analize govore da takvoj deponiji u budućnosti nije tu mjesto, pogotovo sa stanovišta razvoja Kanona Sarajevo, gdje će ova deponija ostati u centralnom području Kantona Sarajevo. Smatramo da je neophodno početi sa izradom ozbiljnih studija i elaborata za izmještanje ili formiranje nove deponije da drugoj lokaciji izvan gradskog područja.

Amandman 8

Dodaje se nova pozicija pod nazivom

Regulacija korita rijeke Miljacke od RTV doma do ušća u iznosu od 5.591.000,00 miliona KM u okviru razdjela Ministarstva komunalne privrede, infrastrukture, prostornog uređenja, građenja i zaštite okoliša.

Umanjuje se pozicija

Nabavka helikoptera, ekonomski kod 821300,NOL,038F, razdio Ministarstvo unutrašnjih poslova, za 5.591.000,00 KM.

Oćina Novi Grad Sarajevo već duži niz godina pokušava da riješi uređenje korita rijeke Miljacka, koje je još ostalo neuređeno od RTV doma pa do ušća u rijeku Bosnu. Svakako da neuređenost korita utiče i na veći rizik od plavljenja koje se vrlo često javlja, pogotovo na samom ušću Miljacke u Bosnu. Stoga predlažemo da se uključe sve nadležne institucije od Zavoda za izgradnju Grada, Općine kako bi se ovaj problem počeo rješavati. Predložena sredstva nisu dovoljna za kompletnu realizaciju preostale dionice, ali bi bila značajan podstrek ostalim institucijama prije svega Gradu Sarajevo da počnu rješavati problem iz svoje nadležnosti.

Amandman 9

Dodaje se nova pozicija pod nazivom

Nabavka zemljišta za izgradnju osnovne škole za naselja Nova Otoka i Miljacka u iznosu od 2.500.000,00 KM u okviru razdjela Ministarstvo za odgoj i obrazovanje, ekonomski kod 821000.

Umanjuje se pozicija

Pokriće gubitka za javni prevoz, ekonomski kod 614400, EAO010, 107F, u okviru razdjela Ministarstvo privrede, za 2.500.000,00 KM.

Obrazloženje

Regulacionim planom Alipašin most VII predviđen je objekat osnovne škole za novoizgrađena naselja Nova Otoka i Miljacka, čijom bi se izgradnjom upotpunio neophodni sadržaj navedenih naselja u skladu sa predviđenim planskim dokumentima. U ovoj fazi bi bilo neophodno riješiti imovinsko pravne odnose čime bi se obezbijedile pretpostavke da se u narednim godinama izgradi osnovna škola.

Amandman 10

Uvećava se pozicija pod nazivom


Zaštita porodica sa djecom za iznos od 10 miliona, u okviru razdjela Ministarstva za rad, socijalnu politiku i izbjegla i raseljena lica, ekonomski kod 614200 NAM002,104F.

Umanjuje se pozicija

Podrška projektima ZOI 84, Olimpijski centar Sarajevo d.o.o. 615400, NOV,047F, u okviru razdjela Ministarstvo privrede, za 10 miliona.

Obrazloženje

Imajući u vidu da je Kanton Sarajevo donio Zakon kojim se porodilje imaju pravo na mjesečnu naknadu u iznosu od 1.000,00 KM, smatram da bi se trebalo ovo pravo proširiti i na povratničku populaciju u manjem bh entitetu RS, što bi u znatnoj mjeri pomoglo održivosti povratka.


Šef Kluba zastupnika „Za Bosnu i Hercegovinu“

Senad Hasanović